

a2^r

Der Wolgebornen vnd
 tugentreychen Frauen/ Anna
 Alexandria/ Geborne Gråfin zu
 Fürftenberg/ vnnd witwe zu Ra-
 poltfein/ 7c. der Chrifteni-
 chen frauen/ 7c.
 GNad/ frid/ vn̄ troft von Gott dem
 Vatter durch Jefum Chriftum/
 Amen. 7c. Wolgeborne/ Chrifteni-
 liche/ Gnådige frau/ dieweyl von anfang
 vnd vorigen zeyten/ vnd noch bey vns auff
 den heuttigen tag/ die wütende/ arge/ vn̄
 boßhafftige wält/ wider die Gottfålige/
 auß heiliger gefchriefften vnnd langeft be-
 wårte leer/ tobet vnd vnfinnig ift. Welchs
 wir dann nit allein fåhen inn den kindern
 des vn̄glaubens/ fonder auch bey denen
 fo Gottfålig wõllen feyn/ vn̄ aber gleych-
 ner vnd eigennützig find. So ift dife leer
 des heiligen Chryfoftomi (on zweyfel) ein
 fruchtbare leer denenn fo vmb Chrifti be-
 kañtnuß willen/ nichts wõllen leyden/ vn̄
 fo jnen etwas von wegen der Gottfålig-
 keit vnd bekanntnuß Chrifti willen/ zu ge-
 fũgt/ fo fchreyen fy fich gefchedigt/ an leyb/
 eer/ vnnd gũt/ vnnd fo fy die hand an den
 pflũg gelegt/ fehen fy wider hinderlich/ vn̄
 fallen zu rugk.

Luc. 9.

a2^v

Solchs klagen vñ abfal ift gewefen vor
 eilffhundert jar (zũ der zeyt des heiligen
 Chryfoftomi) eben wie yetzund/ dann die
 gleychßner fo vmb der warheit etwas ley-
 den/ die klagen wie fy gefchediget vnd ver-
 derbt werden. Denen vnd dergleychen zũ
 begegnē/ hat der heilig Chryfoftomus vor
 zeyten Biſchoff zũ Conſtantinopel/ diſe pre-
 dig gethon vnd beſchriben/ die ich auß dē
 latin E. G. verteüfcht/ nicht von wort zũ
 wort/ das doch alle mal vnuerftändig we-
 re/ fonder Paraphrafticos/ vnd nach völli-
 gem teütfchen. Dann bey der meinung
 Chryfoftomi bin ich bliben.

Diß Büchlin aber zũ loben/ ift nit vō ho-
 hen nōten/ dann das werck feinen meifter
 felbs lobt. Doch ſag ich für mein vrteil/ d̄z
 Chriſtoftomus (wil doch niemand fein mei-
 nūg verachtē) in erklārung diſes ſpruchs/
 Es wirt niemand gefchedigt dañ
 von jm felbs/ ein rechter Chriſtenlicher
 Philoſophus ift/ bewårt ſolchs mit ḡſchrif-
 ten vnd exemplen auß der heiligen Bibel
 welche vbertrifft alle weyßheit vnd philo-
 ſophey der Heiden/ die wol auch vil vnbil-
 lichts erlitten mit gedult/ aber nit vmb der
 eer Gottes vnd Chriſti willen.

Als der hochuerftändig vnd gedultig So-
 crates/ der wol willig das gifft (vnſchul-
 dig) jm von den Athenern eyngeſchenckt/
 trancke/

a3^r

trancke/ oder wie auch Anaxagoras vonn
den Athenern giffet willig trancke/ allein
darumb daß er gefagt hatte/ die Soñ wer
ein feüriger ftein. Es ift auch der todt des
Philofophi Senece willig gewefen/ der
jm alle aderen im wafferbad lieffe fchlahē/
vnd als fich d⁹ tod verlengeret/ hat er giffet
gehöufchen/ damit er fturbe. Aber folliche
töd alle vmb verjehung vnd bekantnuß
Gottes vnd Chrifti willen nit befchehen:
darumb wir das vrteil inn Gottes gwalt
ftellen. Es find Ariftoteles vñ Plato famt
anderen/ in hoher erfahrung natürlicher din
gen/ vnd politifchen zuchten vnd gütten fit
ten/ von Gott hochgeleert gewefen/ weli
cher fleyß vnd arbeit gar nit zů verachten/
haben aber die philofophey/ die der heilig
Chryfoftomus auß heiligen Biblifchen ge
fchrifften zůfamen tragē/ nie erlangt. Dañ
wiewol fy züchtig vnd gedultig/ haben fy
doch zum merer teil ein Stoifche meinung
rumbegirige/ vñ wältliche gedult gehabt.
Aber Chriftus leert vil ein andere gedult/
die nit wältliche eer/ lob vnnd rüm fűchet/
fonder ein folche/ die der wältlichen dingē
fich entfchlahe/ vnd fìch im creütz vnd ande
ren anfechtungen/ mit rechter gedult Gott
willig ergebe/ vnnd alle trůbfal difer wält
mit ftandhaftigem gemüt möge tragen/
die vns Chriftus (aller außerwólten vor

a3^v

-
- Matth. 5. bild vnd exempel) auß himlischer philoſo-
phey geleert hat/ als er ſagt/ Sãlig ſind jr
wenn euch die menſchen ſchmãhen vñ ver-
folgen/ vnd redend allerley args wid⁹ euch
ſo ſy daran liegen/ vmb meines nammens
willen/ haben fröud vñ frolocken/ es wirt
Matth. 16. euch im hiemel wol vergolten werden. Alfo
ſagt auch Chriftus/ Wil mir yemãds nach-
uolgen/ der verlaugne ſich ſelbs/ vnd nem-
me ſein creüt3 auff ſich/ vnd volg mir nach.
Es ſind diſer ſprüch vil mer durch dē mūd
Chrifti vns vorgepredigt/ die nichts and⁹s
anzeigen vnd leeren dann gedult in armüt
vnd creüt3/ vnd verfolgung/ verachtung/
vnd verlierung leybs vnd låbens. Aber ſol-
ches ſolle beſchehen (ſolle es anders Gott
ein wolgefellig opffer ſeyn) vmb der Eer
Gottes vñ Chrifti willen. Alfo haben auch
gethō die Apoſtel Chrifti/ wie Lncas [sic] ſagt/
Act. 5. Die Apoſtel giengē frölich von des raths
angeficht/ daß ſy wirdig gewefen waren/
vmb Chrifti nammen willen ſchmaach zū
Act. 14. leyden. Vnd an einem anderen ort/ Durch
vil trübfal muß man eyngohn in das reych
der himmel. Alfo ſagt auch der heilig Pau-
1. Corint. 4. lus/ Wir werden getrengt/ aber wir wer-
den darumb nit angfthafft. Wir leyden ar-
beit/ aber wir verzagen nit/ wir leyden ver-
folgung/ aber wir werden nicht verlaſſen/
wir werden vndergetruckt/ aber wir kom-
men

a4^r

men nit vmb. Difer ſprüch ſind vnzelichen vil in heiliger geſchriſſten/ darinnen Gottes kinder ſollen täglich ſtudieren/ darmit der alt ſoltz Adam lerne der wält abfterben/ vnnd ſich dem creütz vnderwufflich mache/ ſich ſelbs nicht liebe/ willig ſeye in Gottes zucht/ vnd das mit hoher gedult/ durch beyſtand Gottes vnnd anruffung Chriſti. Vñ ſo ein gläubiger in difer hohen ſchul/ Chriſtlich gſtudiert/ fürſart/ ſo wirt jm kein Creatur mögen ſchaden zufügen/ wie dan der heilig Chryſtoſtomus in difem Büchlin philoſophiert.

Solchs hab ich E. G. wollen zufchicken auß Chriſtenlichem eyfer/ als einer ſolchen Chriſtin/ die bißher nitt wenig anſtoß gehabt/ von allerley widerfächeren/ vnd aber alle zeyt vnbeweglichen auff dē felſen Chriſto beſtanden. Der wölle E. G. alfo in beharrlicher vñ waarer gedult/ beſtändigem glauben/ vnnd immerwerender hoffnung biß an das end fälliglich erhalten/ vñ das greulich brumlen vnd helllich löuwen geſchrey der tyrannen/ ſo die begründte warheit verfolgen/ abwenden/ vnnd inen das waar liecht der wält Jeſum Chriſtum den ſun des läbendigen Gottes/ gebe zu erkennen/ Amen.

a iiij

a4^v

Der barmhertzig Gott bewar Euwer
Gnad mit feinem heiligen schirm. Rey-
chenwyr auff den 14. tag Maiens/ im tau-
send/ fünffhundert vnd neün vn̄ fünfftzig
ften Jar.

E. G.

allzeyt gehor-

samer

Matthias Erb.

Das creütz Chriffti ist fürwar

Ein exempel offenbar

Allen den so willig sind

Vnd bgern werden Gottes kind.

Joannis